

Ngā Tohutohu mō te Whāinga 2: Kia kaha te pātai

**Ko te raruraru nui hei whakatikatika:
Mā te aha te tākirirangi e rere ai?**

Kia tīmata te rapu whakautu mā te āta
whakaaro ki ā tātou whāinga, ki te huarahi
anō hoki e tutuki ai ērā whāinga.

He rawe ki ngā kaimātai pūkaha te
whakatika raruraru. Whakamahi
ai rātou i ō rātou hinengaro pākiki,
ā, he maha hoki ā rātou pātai kia
mōhio ai rātou he aha e tika ai
ētahi mea, he aha hoki i kore ai e
tika ētahi atu mea.

**E whakaaroaro nei au, he aha
rā ā tātou whāinga?**

Mō te Wero Tākirirangi, ko te whāinga
nui, ko te rere pai o te Tākirirangi.

Mā tō tīma e whakatau, he aha ngā tohu
ki a koutou kua rere pai te tākirirangi.
Tuhia ō koutou whakaaro ki te pouaka
kei raro nei.

*Hei tauira: Ko tā mātou whāinga,
kia teitei ake te rere o te tākirirangi
ki tua atu i te pou piro o te whira o
te kura.*

**E whakaaroaro nei au, he aha
ngā pātai hei patapatai atu?**

He aha ngā mea me mōhio rawa e tutuki
ai ngā whāinga?

Kua tae ki te wā kia nui ngā pātai
mō te āhua o te mahi o ngā taputapu,
hei āwhina i a tātou ki te whakatikatika
i te raruraru.

*Hei tauira: E whakaaroaro nei au,
ka pēhea te tākirirangi e wehe ai i
te papa?*

**E whakaaroaro nei au, he aha
ngā raruraru me whakatika?**

Ko te whakaaro nui ki ngā raruraru kua
ara mai pea e tere ake ai te whakatikatika
i aua raruraru.

*Āe rānei, e tika ana te nui o te
whira o te kura mō te terenga?*

Ka rawe!

Puritia ngā pātai i a koutou e mahi
ana. Ko wai ka mōhio mō āwhea tātou
tūpono atu ai ki tētahi o ngā whakautu.